



**Գիտության և առաջատար տեխնոլոգիաների ազգային հիմնադրամ (ԳԱՏԱՀ)
ԱՄՆ Քաղաքացիական հետազոտությունների և մշակումների հիմնադրամ (ՔՀՄՀ)
Ասպիրանտների հետազոտությունների աջակցության ծրագիր
Ծրագրի հայտարարություն**

I. Ներածություն

Գիտության և առաջատար տեխնոլոգիաների ազգային հիմնադրամը (ԳԱՏԱՀ) և ԱՄՆ Քաղաքացիական հետազոտությունների և մշակումների հիմնադրամը (ՔՀՄՀ) մտադրանքով հիմնադրվելու և տասներկուամյա աջակցություն կտրամադրեն ՀՀ այն ասպիրանտներին, որոնք շնորհի կարժանանան այս ծրագրի շրջանակներում: Շնորհներից յուրաքանչյուրը կհասնի մինչև 5 000 ԱՄՆ դոլարի՝ 2 000 ԱՄՆ դոլար անհատական ֆինանսական աջակցության և 3 000 ԱՄՆ դոլար հետազոտության և գործուղումների ծախսերի համար:

Ծրագրի նպատակն է լրիվ դրույքով հետազոտության մեջ ներգրավված երիտասարդ ասպիրանտներին տրամադրել.

- ա. միայն լրիվ ծանրաբեռնվածությամբ ուսուցման վրա կենտրոնանալու հնարավորություն,
- բ. միջոցներ հիմնարար գիտությունների բնագավառում բարձրակարգ հետազոտություններ կատարելու համար,
- գ. միջազգային գիտաժողովների, սեմինարների և հանդիպումների մասնակցելու միջոցով միջազգային գիտական հանրության մեջ ներգրավվելու հնարավորություն:

Ողջ աջակցությունը հիմնված կլինի յուրաքանչյուր նախագծի անկախ փորձաքննության գնահատականների վրա և կսահմանվի յուրաքանչյուր հայտի գիտական արժանիքներով:

Հայտերի ներկայացման ժամկետը 2006թ. մայիսի 15–ի ժամը 18:00–ն է: Հայտերը պետք է ներկայացվեն և՛ ԳԱՏԱՀ, և՛ ՔՀՄՀ (տե՛ս ստորև բերված V բաժնի հայտի լրացման ցուցումները):

Մրցույթի արդյունքները նախատեսվում է հայտարարել 2006թ–ի օգոստոսի 15–ին: ԳԱՏԱՀ–ի և ՔՀՄՀ–ի բոլոր որոշումները վերջնական են:

II. Ծրագրի ուղեցույց

ԳԱՏԱՀ-ը և ՔՀՄՀ-ն նախատեսում են հիմնարար գիտությունների ոլորտում տրամադրել մինչև 26 շնորհ:

Շնորհի առավելագույն արժեքը տասներկուամսյա ժամանակահատվածի համար 5 000 ԱՄՆ դոլար է: Մինչև 2 000 ԱՄՆ դոլար կարող է տրամադրվել տասներկուամսյա ժամանակահատվածում լրիվ ծանրաբեռնվածությամբ աշխատող դիմորդի անհատական ֆինանսական աջակցությանը, իսկ մինչև 3 000 ԱՄՆ դոլար՝ հետազոտության հետ կապված ծախսերին և գիտաժողովների մասնակցության վճարումներին: Թե՛ ԳԱՏԱՀ-ը, թե՛ ՔՀՄՀ-ն խրախուսում են շնորհի ժամանակահատվածում շնորհառուների մասնակցությունը միջազգային գիտաժողովներին և հանդիպումներին:

III. Մասնակցության իրավունքը

Յուրաքանչյուր հայտ պետք է համապատասխանի հետևյալ չափանիշներին.

1. Դիմորդը պետք է հանդիսանա Հայաստանի քաղաքացի կամ մշտական բնակիչ և դրամաշնորհի ընթացքում բնակվի Հայաստանում:
2. ԳԱՏԱՀ-ի և ՔՀՄՀ-ի աշխատակիցները իրավունք չունեն դիմելու: (Սակայն դիմելու իրավունք ունեն ԳԱՏԱՀ-ի և ՔՀՄՀ-ի նախկին շնորհառուները:)
3. Յուրաքանչյուր դիմորդ պետք է հանդիսանա լրիվ ծանրաբեռնվածությամբ սովորող ասպիրանտ շահույթ չհետապնդող հայկական որևէ հետազոտական կազմակերպությունում՝ ներառյալ համալսարանները, ակադեմիական ինստիտուտները և հետազոտական կառույցները:
4. Իր ասպիրանտական գործունեության շրջանակներում դիմորդը պետք է ներգրավված լինի լրիվ դրույքով աշխատանքի մեջ:
5. Բոլոր նախագծերը պետք է ունենան քաղաքացիական բնույթ, չհետապնդեն ռազմական նպատակներ և իրականացվեն քաղաքացիական հետազոտությունների պայմաններում:
6. Նախագծերը կարող են լինել ինչպես հիմնարար, այնպես էլ կիրառական գիտությունների և ճարտարագիտական բնագավառներից՝ ներառյալ տեխնոլոգիական մշակումները, որոնք առևտրային նշանակության ակնկալիքով նորարարական գործընթացի մաս են հանդիսանում:
7. Սույն ծրագրի շրջանակներում յուրաքանչյուր անհատ կարող է ներկայացնել միայն մեկ հայտ:
8. Յուրաքանչյուր հայտ գնահատվելու է առանձին և անկախ, հետևաբար այն չպետք է սույն ծրագրի շրջանակներում ներկայացվող այլ հայտերի մաս կազմի կամ որևէ կերպ կախված լինի դրանցից:
9. Յուրաքանչյուր հայտ պետք է ներառի հաստատման և երաշխավորման առանձին նամակներ, որոնք պետք է ստորագրված լինեն հետևյալ անձանց կողմից.

ա) Դիմորդը, հաստատելով, որ նա լրիվ ծանրաբեռնվածությամբ սովորող ուսանող է, իր ասպիրանտական գործունեության շրջանակներում ներգրավված է լրիվ դրույքով աշխատանքի մեջ և շնորհի արժանանալու դեպքում ցանկություն ունի հրաժարվելու ցանկացած լրացուցիչ եկամուտից:

բ) Շահույթ չհետապնդող հետազոտական կազմակերպության լիազորված ներկայացուցիչ և դիմորդի գիտական ղեկավար(ներ), երաշխավորելով, որ դիմորդը իր ասպիրանտական գործունեության շրջանակներում իրենց

կազմակերպությունում ներգրավված է լրիվ դրույքով աշխատանքի մեջ, և ընդգծելով, որ կազմակերպությունը աջակցում է ներկայացված հետազոտական նախագծին:

10. Շահույթ չհետապնդող յուրաքանչյուր կազմակերպության կողմից ներկայացված հայտերի քանակն անսահմանափակ է:
11. ԳԱՏԱՀ-ը և ՔՀՄՀ-ն իրավունք են վերապահում սահմանափակել իրենց ծրագրերում ցանկացած անձի կամ կազմակերպության մասնակցության իրավունքը:

IV. Նախապատվությունը

Հավասարաբաժնի տեխնիկական չափանիշներով հայտերի դեպքում ԳԱՏԱՀ-ը և ՔՀՄՀ-ն նախապատվությունը կտան այն հայտերին, որոնք պարունակում են հետևյալ կետերից մեկը կամ մի քանիսը.

- գիտական խնդիրների լուծման նորարար հետազոտական մեթոդներ, և հատկապես այնպիսի մեթոդներ, որ նորություն են Հայաստանի համար,
- հետազոտական թեմաներ, որոնք նպատակ են հետապնդում լուծել Հայաստանի ներկայիս գիտատեխնիկական խնդիրները,
- հետազոտական թեմաներ, որոնք մեծ հավանականություն ունեն հրատարակվելու միջազգային առաջատար գիտական ամսագրերում և ներկայացվելու միջազգային գիտաժողովների և գիտական հանդիպումների ընթացքում,
- այնպիսի դիմորդներին, որոնք երկրորդ կամ երրորդ տարվա ասպիրանտներ են և ունեն հրատարակված գիտական հոդվածներ,
- կին դիմորդներ,
- դիմորդներ Երևանից դուրս տեղաբաշխված գիտական կազմակերպություններից,
- դիմորդներ, որոնք մինչև դիմումի ներկայացումը շնորհի չեն արժանացել ԳԱՏԱՀ-ի, ՔՀՄՀ-ի կամ ֆինանսավորում տրամադրող որևէ այլ միջազգային կազմակերպության կողմից:

V. Հայտերի լրացման ցուցումներ

Դիմորդները պետք է հայտերը ներկայացնեն ինչպես ԳԱՏԱՀ, այնպես էլ ՔՀՄՀ՝ ստորև նշված երկու մեթոդներով: Այն հայտերը, որոնք կներկայացվեն ԳԱՏԱՀ և ՔՀՄՀ ոչ այնպես, ինչպես նշված է ստորև, կհամարվեն անվավեր: Լրացված հայտերը պետք է ներկայացվեն մինչև 2006թ. մայիսի 15-ը՝ Երևանի ժամանակով ոչ ավելի ուշ, քան ժամը 18:00-ը:

- 1) ԳԱՏԱՀ. Բոլոր դիմորդները պետք է իրենց հայտերը ԳԱՏԱՀ-ին ներկայացնեն ստորև նշված փոստային և էլեկտրոնային հասցեներով հետևյալ կերպ.
 - Մեկ օրիգինալ և մեկ էլեկտրոնային օրինակ հայերեն լեզվով:
 - Մեկ օրիգինալ և մեկ էլեկտրոնային օրինակ անգլերեն լեզվով:
 - Դիմորդը պետք է ներկայացնի իր հաստատման և երաշխավորման նամակների օրիգինալները հայտի օրիգինալ օրինակի հետ միասին:
 - Հայտի էլեկտրոնային տարբերակները պետք է լինեն «Microsoft Word»-ի կամ «PDF»-ի ձևաչափերով: Բոլոր էլեկտրոնային տարբերակները պետք է ներկայացվեն որպես մեկ էլեկտրոնային ֆայլ:

- «.zip» ձևաչափով ներկայացված հայտերը, որոնք պարունակում են մի քանի փաստաթղթեր, չեն ընդունվի:
- ԳՄՍԱՀ-ը չի ընդունի ֆաքսով ուղարկված հայտեր:
- Բոլոր հայտերը պետք է տպվեն 1.5 տողամեջ հեռավորությամբ, տառերի 12-րդ չափսով (“Sylfaen” հայերենի և “Times New Roman” անգլերենի համար), 2.5 սմ լուսանցքով ինչպես կողքերից, այնպես էլ էջի վերևից և ներքևից, իսկ բոլոր էջերը՝ ներառյալ Ձևերը, պետք է հաջորդաբար համարակալվեն վերևի աջ անկյունում:

Գիտության և առաջատար տեխնոլոգիաների ազգային հիմնադրամ (ԳՄՍԱՀ)
(հայտի օրիգինալ տարբերակի ներկայացման համար)

Ազատության պող. 26

Երևան 375014

Հայաստանի Հանրապետություն

(հայտի էլեկտրոնային տարբերակի ներկայացման համար)

grsp@nfsat.am

- 2) ՔՀՄՀ. Լրացված հայտերը պետք է ներկայացվեն ՔՀՄՀ մինչև 2006թ. մայիսի 15-ը՝ Երևանի ժամանակով ոչ ավելի ուշ, քան ժամը 18:00-ը հետևյալ կերպ՝
- Մեկ էլեկտրոնային տարբերակ անգլերեն լեզվով՝ Armenia@crdf.org էլ. հասցեով:
 - Հայտի էլեկտրոնային տարբերակները պետք է լինեն «Microsoft Word»-ի կամ «PDF»-ի ձևաչափերով: Բոլոր էլեկտրոնային տարբերակները պետք է ներկայացվեն՝ որպես մեկ էլեկտրոնային ֆայլ:
 - «.zip» ձևաչափով ներկայացված հայտերը, որոնք պարունակում են մի քանի փաստաթղթեր, չեն ընդունվի:
 - ՔՀՄՀ-ն չի ընդունի ֆաքսով ուղարկված հայտեր:
 - Բոլոր հայտերը պետք է տպվեն 1.5 տողամեջ հեռավորությամբ, տառերի 12-րդ չափսով (“Times New Roman”), 2.5 սմ լուսանցքով ինչպես կողքերից, այնպես էլ էջի վերևից և ներքևից, իսկ բոլոր էջերը՝ ներառյալ Ձևերը, պետք է հաջորդաբար համարակալվեն վերևի աջ անկյունում:

Հայտերի լրացման ընթացքի վերաբերյալ հարցեր ունենալու դեպքում կամ ծրագրի վերաբերյալ լրացուցիչ տեղեկություններ ստանալու համար՝ կարող եք դիմել ԳՄՍԱՀ-ի գրասենյակ՝

Աննա Բադրամյանին,

Ծրագրի ղեկավար

Հեռ.՝ 28-81-92

anna@nfsat.am

VI. Հայտի ներկայացման ուղեցույց

Յուրաքանչյուր հայտ պետք է պարունակի ստորև նշված բոլոր բաղկացուցիչ տարրերը: Հաշվի կառնվեն միայն այն հայտերը, որոնք ներառում են այս տեղեկությունները:

ՈՒՇԱԴՐՈՒԹՅՈՒՆ. Հայտը չպետք է գերազանցի 22 էջը՝ բոլոր Ձևերը ներառյալ: 22 էջը գերազանցող բոլոր հայտերը համարվելու են անվավեր:

1. **Տիտղոսաթերթ («Ձև-Ա»):** Տիտղոսաթերթը պետք է ներառի հիմնական տեղեկություններ նախագծի, դիմորդի, հայկական կազմակերպության տնօրենի և դիմորդի պաշտոնական գիտական ղեկավարի վերաբերյալ:
2. **Ամփոփագիր:** Մեկ համառոտ պարբերությամբ ամփոփ ներկայացնել նախագծի բոլոր կարևոր դրույթները՝ կենտրոնանալով նպատակների, մեթոդների և ակնկալվող արդյունքների վրա:
3. **Նախագծի բնութագիր** (առավելագույնը 5-7 էջ՝ ներառյալ բոլոր գրաֆիկները, գծագրերը, լուսանկարները կամ մեջբերվող հղումները):
 - Շնորհի ժամանակահատվածում կատարվելիք գիտական հետազոտության բնութագիրը՝ նրա կարևորությունը, համապատասխանությունը դիմորդի ներկայիս հետազոտական աշխատանքին, ակնկալվող արդյունքները և հնարավոր ներդրումը ժամանակակից գիտատեխնիկական խնդիրներ լուծելու հարցում:
 - Հաջողության հասնելու համար օգտագործվող մոտեցումները, նպատակները, հենքերը և չափորոշիչները:
 - Նախագծից ակնկալվող արդյունքները, և թե ինչպես են դրանք առնչվում Բաժին VIII-ում թվարկված ԳԱՏԱՀ-ի և ՔՀՄՀ-ի գնահատման չափանիշների հետ:
 - Նախագծում օգտագործվող սարքավորումները՝ հատուկ ուշադրություն դարձնելով ԳԱՏԱՀ-ից ֆինանսական աջակցության շրջանակներում պահանջվող սարքավորման բոլոր հայտերի հիմնավորման վրա:
 - Դիմորդի և նրա ղեկավարի ինքնակենսագրությունները: Հայտը պետք է պարունակի մեկ կամ երկու էջից բաղկացած երկու ինքնակենսագրություն, որոնցից մեկը դիմորդին է, մյուսը՝ նրա գիտական ղեկավարին: Յուրաքանչյուր ինքնակենսագրություն պետք է ներառի անունը, կրթական տվյալները, ներկա և անցյալ աշխատավայրերը՝ ամսաթվերով, որակավորման բնագավառները և հետևյալ կարգերին համապատասխանող հրատարակությունների ցուցակը. գրախոսվող ամսագրեր անգլերենով, գրախոսվող ամսագրեր այլ լեզուներով, գիտաժողովների ամփոփագրերում հրատարակված հոդվածներ, ինչպես նաև նախագծի հետ ամենաշատն առնչվող հինգ գրախոսվող ամսագրերի ամբողջական մեջբերումներ: Հասկանալի է, որ դիմորդը կարող է այս կարգերից որևէ մեկին կամ դրանց բոլորին պատկանող հոդվածներ չունենալ:
4. **Բյուջե («Ձև-Բ»):** Ներկայացված «Ձև-Բ»-ում պարունակվող տեղեկությունների հիման վրա պետք է ներկայացնել նախագծի բյուջեն: «Ձև-Բ»-ն պետք է ամբողջությամբ լրացվի: Դիմորդները պետք է ներկայացնեն մեկ «Ձև-Բ» դրամաշնորհի լրիվ ժամանակահատվածի համար: Շնորհի առավելագույն գումարը 5 000 ԱՄՆ դոլար է:

5. **Բյուջեի մեկնաբանում:** Առանձին թերթի վրա պետք է բացատրվեն բյուջեի բոլոր կետերը: Թերթի վրա պետք է հստակ նշված լինի «Բյուջեի մեկնաբանություն» վերնագիրը: Շատ կարևոր է, որ գործուղման կամ նյութերի և ծառայությունների համար անհրաժեշտ բոլոր ծախսերը բացատրվեն և հիմնավորվեն: Բյուջեի մեկնաբանման մեջ ներկայացվելիք տեղեկությունների համար դիմորդները պետք է ծանոթանան Բաժին XI-ում շարադրված բյուջե կազմելու ցուցումների «Թույլատրելի ծախսեր» կետի հետ:
6. **Դիմորդի հաստատման նամակ:** Այս նամակը պետք է ստորագրվի դիմորդի կողմից և համառոտ կերպով հաստատի, որ նա լրիվ ծանրաբեռնվածությամբ սովորող ուսանող է, իր ասպիրանտական գործունեության շրջանակներում ներգրավված է լրիվ դրույքով աշխատանքի մեջ և շնորհի արժանանալու դեպքում կհրաժարվի ցանկացած լրացուցիչ եկամուտից:
7. **Կազմակերպության երաշխավորման նամակ:** Այս նամակը պետք է ստորագրվի շահույթ չհետապնդող հետազոտական կազմակերպության լիազորված ներկայացուցչի և դիմորդի գիտական ղեկավար(ներ)ի կողմից՝ երաշխավորելով, որ դիմորդը իր ասպիրանտական գործունեության շրջանակներում իրենց կազմակերպությունում ներգրավված է լրիվ դրույքով աշխատանքի մեջ, ինչպես նաև ընդգծելով, որ կազմակերպությունը աջակցում է ներկայացված հետազոտական նախագծին:

VII. Ժամկետները

- Հայտերը ԳԱՏԱՀ և ՔՀՄՀ ներկայացնելու վերջին ժամկետը 2006թ. մայիսի 15-ն է՝ Երևանի ժամանակով ժամը 18:00-ը:
- Արդյունքների ամփոփման և հայտերի վավերականության մասին տեղեկությունները ակնկալվում է դիմորդներին հայտնել մինչև 2006թ. հուլիսի 15-ը:
- Սրբույթի արդյունքները ակնկալվում է հայտարարել 2006թ. օգոստոսի 15-ին:
- Շնորհները ակնկալվում է ակտիվացնել 2006թ. սեպտեմբերի 1-ից:

VIII. Հայտերի փորձաքննությունը

ԳԱՏԱՀ և ՔՀՄՀ ներկայացնելուց հետո բոլոր հայտերը ենթարկվելու են մանրակրկիտ ստուգման՝ դրանց համալրվածության և վավերության տեսակետից: ԳԱՏԱՀ-ը և ՔՀՄՀ-ն դիմելու են գիտական անկախ փորձագետների գնահատելու բոլոր վավերական հայտերը՝ ըստ ստորև նշված չափանիշների: ԳԱՏԱՀ-ը և ՔՀՄՀ-ն իրավունք են վերապահում անհրաժեշտության դեպքում դիմել դիմորդին կամ կամ նրա գիտական ղեկավարին՝ լրացուցիչ տեղեկություններ ստանալու համար:

ԳԱՏԱՀ-ը և ՔՀՄՀ-ն համատեղ կընտրեն այն հայտերը, որոնք արժանանալու են շնորհի:

Գնահատման չափանիշները

1. **Անձնակազմի կարողությունները.** Դիմորդի և (անհրաժեշտության դեպքում) նրա գիտական ղեկավարի կարողությունը ներկայացված հետազոտության իրազորման հարցում: Հետազոտողների ունակությունները, ինչպես նաև առաջարկվող նախագծի գիտական

արժանիքները, նախատեսվող տեխնիկական միջոցների և հնարավորությունների համապատասխանությունը նախագծի իրականացմանը:

- 2. Հետազոտության պլանավորումը.** Առաջադրվող մոտեցման տեխնիկական ուժը, նախագծի նպատակների պարզությունն ու ռացիոնալությունը, աշխատանքն իրագործելու համար տեխնիկական միջոցների և հնարավորությունների համապատասխանությունը նախագծի իրականացմանը:
- 3. Նախագծի գիտական արժանիքները.** Հավանականությունը, որ նախագծի իրականացումը կարող է բերել նոր գիտելիքների կամ նորարարական առաջարկությունների, որոնք էական նշանակություն կունենան գիտական և ճարտարագիտական մեկ կամ մի քանի բնագավառների համար: Հավանականությունը, որ նախատեսված հետազոտությունը շահավետ կլինի ընդհանրապես հանրությանը և մասնավորապես Հայաստանին, ինչպես նաև նման շահավետության բնույթը:
- 4. Մասնագիտական շահավետություն.** Առաջադրված աշխատանքի համապատասխանությունը դիմորդի մասնագիտական նպատակներին, ինչպես նաև մասնագիտական բնագավառին ու հետաքրքրություններին: Առաջադրված աշխատանքի ներուժը՝ դիմորդի մասնագիտական նպատակները և զարգացումը հեշտացնելու հարցում: Հավանականությունը, որ աշխատանքը ուղի կհարթի համատեղ աշխատանքների, հետագա հաջող ֆինանսավորման, թեկնածուական հաջող պաշտպանության, ինչպես նաև միջազգային գրախոսվող ամսագրերում հոդվածների տեղադրման համար:

IX. Մտավոր սեփականություն

ՔՀՄՀ-ն և ԳԱՏԱՀ-ը չեն հավակնում դրամաշնորհի արդյունքում առաջացած մտավոր սեփականության հեղինակային իրավունքներին: ՔՀՄՀ-ի և ԳԱՏԱՀ-ի հիմնական խնդիրը կայանում է նրանում, որ հետևեն, որպեսզի մտավոր սեփականության հեղինակային իրավունքները հավասար բաշխվածություն ստանան դիմորդի, նրա գիտական ղեկավարի և կազմակերպության միջև:

X. Գաղտնիություն

ԳԱՏԱՀ-ը և ՔՀՄՀ-ն բոլոր հայտերը դիտելու են որպես գաղտնի տեղեկություն և պահանջելու են, որ փորձագետները նույնպես պահպանեն հայտերի գաղտնիությունը: Լրացուցիչ տեղեկությունների համար կարող եք ացելել հետևյալ կայքի «Քաղաքականություն և ընթացակարգեր» բաժինը՝ <http://www.crdf.org/policies/>

XI. Թույլատրելի ծախսեր

ԳԱՏԱՀ-ը և ՔՀՄՀ-ն չեն ուսումնասիրի ոչ մի հայտ, որտեղ կհայցվի 5 000 ԱՄՆ դոլարը գերազանցող գումար: Շնորհիւ տրամադրելու դեպքում բյուջեն կարող է վերանայվել ՔՀՄՀ-ի և ԳԱՏԱՀ-ի աշխատակիցների կողմից: Սույն ծրագրի

պայմանների համաձայն ԳԱՏԱՀ-ը և ՔՀՄՀ-ն թույլատրելի են համարում հետևյալ ծախսերը՝

ա. Անհատական ֆինանսական աջակցություն: Սույն ծրագրի անհատական ֆինանսական աջակցությունը (ԱՖԱ) սահմանվում է՝ որպես նախագծում հետազոտությամբ զբաղվող ասպիրանտին լրիվ ծանրաբեռնվածությամբ աշխատանքի դիմաց վճարվող գումար: Սույն ծրագրի համար ԱՖԱ-ն տրվում է միայն 100%-ով աշխատանքում ներգրավված անձանց: Լրիվ ծանրաբեռնվածությամբ աշխատող մասնակիցների աշխատանքային ամիսը հաշվարկվում է 22 օրով, իսկ աշխատանքային օրը՝ 8 աշխատանքային ժամով: Անհատական ֆինանսական աջակցության թույլատրելի ընդհանուր գումարը չպետք է գերազանցի 2 000 ԱՄՆ դոլարը:

բ. Նյութեր և ծառայություններ: Հետազոտական սարքավորումների ձեռքբերման ծախսեր, ներառյալ համակարգիչները և հեռահաղորդակցման սարքավորումները, գիտական ամսագրերի և հեռահաղորդակցման ծառայությունների բաժանորդագրությունները և գիտահետազոտության ընթացքում օգտագործվող այլ նյութերը: 500 ԱՄՆ դոլարը գերազանցող արժողությամբ յուրաքանչյուր հայցվող սարքավորում պետք է հատուկ բացատրվի և հիմնավորվի բյուջեի մեկնաբանության մեջ:

գ. Գործուղումներ: Գործուղումների համար նախատեսվող գումարները կարող են օգտագործվել Հայաստանի սահմաններում կատարվող ճանապարհորդությունների և միջազգային գիտական հանդիպումներին մասնակցելու համար: Գործուղման նպատակը և դրա հետ կապված բոլոր ծախսերը պետք է հիմնավորվեն բյուջեի մեկնաբանության մեջ: Բյուջեն պատրաստելիս պետք է հաշվի առնել հետևյալ ցուցմները՝

դ. Միջազգային տրանսպորտ: Հայաստանից գործուղման մեկնելիս պետք է ձեռք բերել հնարավորինս էժան ավիատոմսեր: Հնարավորության դեպքում բոլոր ճանապարհորդությունները պետք է կատարվեն ամերիկյան ինքնաթիռներով, ինչը պարտադիր պայման է հանդիսանում անդրօվկիանոսյան ճանապարհորդությունների համար: Լրացուցիչ տեղեկությունների համար կարող եք այցելել հետևյալ կայքը՝

http://www.crdf.org/policies/policies_show.htm?doc_id=291723

ե. Ապրելավարձ միջազգային գործուղումների համար: Երկու շաբաթ կամ ավելի կարճ տևողություն ունեցող այցերի համար ապրելավարձը պետք է հաշվարկվի՝ համաձայն ԱՄՆ կառավարության կողմից սահմանված օրապահիկի ցուցումների: ԱՄՆ կառավարության կողմից սահմանված օրապահիկի վերաբերյալ տեղեկություններ ստանալու համար դիմորդները կարող են այցելել

<http://www.govexec.com/travel> կամ

<http://policyworks.gov/org/main/mt/homepage/mtt/perdiem/perd05d.html>

ինտերնետային կայքերը: Երկու շաբաթից ավել տևողություն ունեցող այցերի համար դիմորդները կարող են հայցել ամսեկան մինչև 2000 ԱՄՆ դոլար կամ դրա համարժեքը: Այս գումարի մեջ են մտնում բոլոր ծախսերը՝ ներառյալ առողջական ապահովագրությունը, որը պարտադիր է: Արտասահմանյան գործուղման համար նախատեսվող ընդհանուր ժամանակը չպետք է գերազանցի 2 ամիսը՝ դրամաշնորհի տասներկուամսյա կտրվածքով:

զ. Ենթապայմանագրային համագործակցություն: Հայկական այլ կազմակերպություններին հատկացվող ծախսերի համար, որոնք կապված են տվյալ նախագծի հետ: Ենթապայմանագրային համագործակցություն է կոչվում

ԳԱՏԱՀ նախագծի որևէ մասի վերաբաշխումը դիմողի կազմակերպությունից զատ որևէ այլ կազմակերպության միջև: Ենթապայմանագրային համագործակցությունը կարող է լինել ենթապայմանագրով կատարվող աշխատանք, որը պետք է ներառի այս բաժնում ներկայացված բոլոր թույլատրելի ծախսերը: Ենթապայմանագրային համագործակցության շրջանակներում ներգրավված ամբողջ սարքավորումը և լրիվ աշխատակազմը պետք է հատուկ թվարկվեն և նկարագրվեն հայտի մեջ: Յուրաքանչյուր ենթապայմանագրային համագործակցության համար «Բյուջեի Մեկնաբանության» մեջ անհրաժեշտ է ներկայացնել առանձին բյուջեի հիմնավորում:

XII. Հատուկ ցուցումներ

Քանի որ սույն ծրագիրն իրականացվում է ԱՄՆ կառավարության կողմից ՔՀՄՀ-ին տրամադրված միջոցներով՝ Հայաստանի գիտության և տեխնոլոգիայի զարգացմանը նպաստելու համար, ԳԱՏԱՀ-ը ենթարկվում է նաև ԱՄՆ օրենքներին և կանոնադրությանը.

Ա. Հատուկ ցուցումներ մարդկային օրգանիզմի հետ առնչվող հետազոտությունների վերաբերյալ.

Մարդկային օրգանիզմի հետ առնչվող հետազոտությունների մասին տեղեկությունների համար կարող եք այցելել հետևյալ կայքը՝ http://www.crdf.org/policies/policies_show.htm?doc_id=305889

Բ. Հակակոռուպցիոն քաղաքականություն և այլ հատուկ դրույթներ Տեղեկությունների համար կարող եք այցելել հետևյալ կայքը՝ http://www.crdf.org/policies/policies_show.htm?doc_id=296470

XIII. Ընդհանուր տեղեկություններ

Ա. Տեղեկություններ ԳԱՏԱՀ-ի մասին

Գիտության և առաջատար տեխնոլոգիաների ազգային հիմնադրամը (ԳԱՏԱՀ) անկախ, ոչ առևտրային կազմակերպություն է, որը հիմնադրվել է 1997թ-ին՝ համաձայն ՀՀ օրենսդրության:

ԳԱՏԱՀ-ի նպատակներն են.

- ◆ Նպաստել գիտության տարբեր բնագավառներում միջազգային չափանիշներին համապատասխանող հետազոտությունների և տեխնոլոգիաների զարգացմանը, ինչպես նաև զարգացնել Հայաստանի Հանրապետության գիտական և ճարտարագիտական ներուժը:
- ◆ Մրցութային հիմունքներով անմիջական աջակցություն (շնորհներ) տրամադրել գիտահետազոտական նախագծերին:

ԳԱՏԱՀ-ի մասին լրացուցիչ տեղեկություններ ստանալու համար այցելել հետևյալ կայքը՝ <http://www.nfsat.am>:

Բ. Տեղեկություններ ՔՀՄՀ-ի մասին

Նախկին ԽՍՀՄ-ի անկախ հանրապետությունների համար ստեղծված ԱՄՆ Քաղաքացիական մշակումների և հետազոտությունների հիմնադրամը (ՔՀՄՀ) ոչ առևտրային կազմակերպություն է, որը կոչված է աջակցելու ԱՄՆ-ի և ԱՊՀ

երկրների գիտնականների և ճարտարագետների համատեղ հետազոտություններին: ՔՀՄՀ-ի նպատակն է ֆինանսավորել քաղաքացիական հիմնարար և կիրառական հետազոտությունները ԱՊՀ երկրներում, ինչպես նաև նպաստել ռազմական ոլորտի նախկին մասնագետների փոխարկմանը և տարածաշրջանի շուկայական տնտեսությունների զարգացմանը: ՔՀՄՀ-ի մասին լրացուցիչ տեղեկությունների համար կարող եք այցելել հետևյալ կայքը՝ <http://www.crdf.org> :

ՔՀՄՀ-ի կողմից ֆինանսավորվող բոլոր ծրագրերը պետք է ուղղված լինեն քաղաքացիական նպատակների իրագործմանը և իրականացվեն քաղաքացիական միջավայրում:

Սույն ծրագրի համար ֆինանսական աջակցությունը տրամադրվել է ԱՄՆ կառավարության կողմից՝ Հայաստանի գիտության և տեխնոլոգիայի զարգացմանը նպաստելու նպատակով:

Հայտի մեջ պարունակվող անհրաժեշտ փաստաթղթերի ցուցակ`

1. Տիրույթներ («Ձև-Ա»)

2. Բյուջե («Ձև-Բ»)

3. Դիմորդի և նրա գիտական ղեկավարի կենսագրությունները

4. Նախագծի նկարագրություն

5. Դիմորդի դիմումը

6. Երաշխավորագիր կազմակերպության կողմից

7. Անհրաժեշտ փաստաթղթեր միայն մարդու վրա ազդեցություն ունեցող հետազոտություններ ընդգրկող հայտերի համար



**Ասպիրանտների հետազոտությունների աջակցության ծրագիր (ԱՀԱԾ)
«Ձե-Ա» – ՏԻՏՂՈՍԱԹԵՐԹ**

Նախագծի հիմնական տեղեկություններ

ԳԱՏԱՀ-ից հայցվող ընդհանուր գումարը (առավելագույնը \$5հազ. ԱՄՆ դոլար)		Գիտական բնագավառը	
Նախագծի վերնագիրը			
Նախագծի համառոտ նկարագրությունը (ոչ ավել քան 25 բառ)			

ՏԵՂԵԿՈՒԹՅՈՒՆՆԵՐ ԴԻՄՈՐԴԻ ՎԵՐԱԲԵՐՅԱԼ (ԵՐԻՏԱՍԱՐԴ ՀԵՏԱԶՈՏՈՂ)

1. Ա., Ա., Հ. (լրիվ)			
Ծնված		Անձնագիր #	
Մեռը		Մոց. Քարտ #	
Հեռախոս		Ֆաքս	
Էլ. փոստ		Ինտերնետային կայքը	
Որ ԲՈԻՀ-ի շրջանավարտ եք			
Վերջին շնորհված գիտական աստիճանի բնագավառը		Տարեթիվը	
Ասպիրանտուրա ընդունման տարեթիվը		Բնագավառը	
ԳԱՏԱՀ-ից կամ այլ հիմնադրամից նախկինում ստացել եք արդյո՞ք որևէ դրամաշնորհ	ԱՅո <input type="checkbox"/>	ՈՉ <input type="checkbox"/>	
Եթե «Այո», ապա նշեք ծրագրի հապավումը և շնորհի համարը			

ՏԵՂԵԿՈՒԹՅՈՒՆՆԵՐ ԱՍՊԻՐԱՆՏԱԿԱՆ ԳՈՐԾՈՒՆԵՈՒԹՅԱՆ ՎԵՐԱԲԵՐՅԱԼ

Կազմակերպությունը	
Կազմակերպության էլ. փոստի հասցեն	
Կազմակերպ. ղեկավարի Ա., Ա., Հ. -ը	
Ղեկավարի կոնտակտ. տվյալները (հեռ, ֆաքս, էլ.փոստ)	

Գիտական ղեկավարը (ԱԱՀ)			
Գիտական ղեկավարի կոնտակտ. տվյալները (հեռ, ֆաքս, էլ.փոստ)			
Սեռը		Գիտական աստիճանը	
Բնագավառը		Պաշտպանության տարեթիվը	
ԳԱՏԱՀ-ից նախկինում ստացել ե՞ք որևէ դրամաշնորհ		ԱՅո <input type="checkbox"/>	ՈՉ <input type="checkbox"/>
Եթե «Այո», ապա նշեք ծրագիրը և շնորհի համարը.			

Ստորագրություններ (պահանջվում է միայն ԳԱՏԱՀ ներկայացվող օրինակների համար)

Դիմորդի ստորագրությունը		Ամսաթիվը	
Գիտ. ղեկավարի ստորագրությունը		Ամսաթիվը	
Կազմ. Ղեկավարի ստորագրությունը և կնիքը		Ամսաթիվը	

Ստորագրելով սույն Հայտը՝ ես հաստատում եմ, որ ընդունում եմ մրցույթի հայտարարության բոլոր պահանջները և կենթարկվեմ Ծրագրի բոլոր պայմաններին:

«Ձև –Բ» – Նախագծի Բյուջե (Բյուջեն կազմելու համար դիմորդները պետք է ծանոթանան Ծրագրի Ցուցումների Բաժին XI-ում շարադրված “Թույլատրելի ծախսեր” կետի հետ)

Անհատական ֆինանսական աջակցություն (լրիվ դրույք)			ԳԱՏԱՀ-ից պահանջվող գումարը
Ա.Ա.Հ	Ամսական ԱՖԱ	Ամիսների քանակը	-----
ԱՆՀԱՏԱԿԱՆ ՖԻՆԱՆՍԱԿԱՆ ԱՋԱԿՑՈՒԹՅԱՆ ԱՄԲՈՂԶ ԳՈՒՄԱՐԸ			
ՍԱՐՔԵՐ ԵՎ ՆՑՈՒԹԵՐ (Խնդրվում է թվարկել 500 ԱՄՆ դոլար գերազանցող բոլոր ձեռքբերումները: Դրանք պետք է հիմնավորվեն բյուջեի մեկնաբանության մեջ: Եթե լրացուցիչ տեղ պահանջվի, խնդրում ենք առանձին էջի վրա շարունակել:)			-----
1.			
2.			
3.			
4.			
5.			
Նյութերի և Սարքերի համար նախատեսվող ԸՆԴՀԱՆՈՒՐ ԳՈՒՄԱՐԸ			
Գործուղումներ (պետք է հիմնավորել բյուջեի մեկնաբանության մեջ)			-----
1. Տեղական տրանսպորտային ծախսեր			
2. Օրապահիկ տեղական գործուղումների համար			
3. Միջազգային տրանսպորտ			
4. Օրապահիկ միջազգային գործուղումների համար			
5. Գործուղումների հետ կապված այլ ծախսեր(օրինակ, վիզա կամ այլ վճարումներ)			
Գործուղումների ծախսերի ԸՆԴՀԱՆՈՒՐ ԳՈՒՄԱՐԸ			
Ենթապայմանագրային համագործակցություն (պետք է նշվեն ենթապայմանագրային համագործակցության բոլոր կազմակերպությունները, ինչպես նաև համագործակցությունը պետք է մանրամասն նկարագրվի բյուջեի մեկնաբանության մեջ:)			
Ենթապայմանագրերի Անհատական ֆինանսական աջակցություն			
Ազգանուն Ա.	Օրավարձը	Ամսական աշխատ. օրերի քանակը (մինչև 22 օր)	Աշխատ. ամիսների քանակը
Ենթապայմանագրերի Նյութեր և ծառայություններ (Խնդրվում է թվարկել 300 ԱՄՆ դոլար գերազանցող բոլոր կետերը և հիմնավորվել: Եթե լրացուցիչ տեղ պահանջվի, խնդրում ենք առանձին էջի վրա շարունակել)			
1.			
2.			
Ենթապայմանագրային համագործակցության ԸՆԴՀԱՆՈՒՐ ԳՈՒՄԱՐԸ			
Այլ ծախսեր (Խնդրվում է հիմնավորել բյուջեի մեկնաբանության մեջ)			
ԳԱՏԱՀ-ից հայցվող ընդհանուր գումարը			

Այլ աղբյուրներից ստացվող ներդրումների ԸՆԴՀԱՆՈՒՐ ԳՈՒՄԱՐԸ

(Եթե նախատեսվում է, խնդրվում է ներկայացնել Բյուջեի մեկնաբանության
մեջ)

Ստացված է _____ Ամսաթիվ _____
ԳԱՏԱՀ-ի աշխատակցի ստորագրությունը